

Pengunjung tidak lepaskan peluang dapatkan maklumat mengenai IPT

# 38,000 serbu Karnival Jom Masuk U

KUANTAN 8 Mac – Karnival Pengajian Tinggi Negara (KPTN) Jom Masuk U yang berakhir kelmarin mendapat sambutan menggalakkan apabila seramai 38,000 pengunjung hadir pada program tersebut.

Karnival anjuran Kementerian Pengajian Tinggi dengan kerjasama Universiti Malaysia PAhang (UMP) berlangsung selama dua hari di Pusat Konvensyen Sultan Ahmad Shah di sini.

Kalangan pengunjung yang datang sekitar negeri ini tidak melepaskan peluang mendapatkan maklumat mengenai institusi pengajian tinggi (IPT) di negara ini termasuk pelbagai program ditawarkan.

Naib Canselor UMP Datuk Dr. Daing Nasir Ibrahim memberitahu, sebanyak 80 kaunter pameran disediakan melibatkan 55 IPT awam dan swasta, agensi kerajaan serta institusi kerwangan.

Menurut beliau, antara IPT terlibat adalah Universiti Putra Malaysia (UPM), Universiti Sains Malaysia (USM), Universiti Tun Hussein Onn (UTHM), Universiti Pendidikan Sultan Idris (UPSI) dan UMP sendiri selaku tuan rumah.

"Kedatangan pengunjung melebihi jangkaan awal iaitu seramai 20,000 menyaksikan masyarakat mulai sedar tentang kepentingan maklumat sesebuah pusat pengajian tinggi sebelum menyarankan ia kepada orang lain," katanya kepada pemberita kelmarin.

Tambah Daing, selain pameran dan pendaharan maklumat, karnival itu juga menjalankan beberapa aktiviti seperti kuiz Jom Masuk U, forum, khidmat nasihat, bimbingan, kaunseling pendidikan dan permonahan aplikasi atas talian.

"Buat pertama kalinya, dalam karnival ini, UMP mewujudkan program kejuruteraan jazaik bersekembang dalam bidang mekatronik yang diperkenalkan pada tahun lalu."

"Banyak maklumat dan manfaat boleh diporehli selain penerangan mengenai pendaharan awal program yang ditawarkan universiti di negara ini diberikan kepada pengunjung," katanya.

Sementara itu, seorang Pelajar Sekolah Menengah Kebangsaan (SMK) Tanjung Lumpur, Nur Nazirah Hamzah, 19, berkata, langkah pihak sekolahnya membawa pelajar ke karnival itu merupakan pendekatan bijak untuk mereka membuat pilihan melanjutkan pengajian selepas tamat persekolahan.

Menurutnya, program itu membantunya mendapatkan maklumat jelas berhubung peluang melanjutkan pengajian di IPT termasuk program ditawarkan mengikut kesesuaian kelayakan akademik seseorang pelajar.

"Saya berpuas hati dengan kerjasama di-



SEBAHAGIAN pengunjung melihat maklumat mengenai peluang ke IPT yang dipamerkan di Karnival Pengajian Tinggi Negara Jom Masuk U di Kuantan, baru-baru ini.

berikan oleh pihak IPT dalam membantu mereka memilih program pengajian yang sesuai dengan keputusan peperiksaan dan minat.

"Penerangan itu membantu saya tidak salah memilih program ditawarkan apabila melanjutkan pelajaran ke IPT selepas mendapat keputusan Sijil Tinggi Persekolahan Malaysia (STPM) ini," katanya ketika ditemui *Utusan Malaysia* di karnival tersebut.

Bagi Pelajar SMK Sri Rompin, Lee Chien Xiang, 19, karnival itu memberi faedah kerana dapat mengetahui lebih lanjut tentang program ditawarkan di IPT.

"Sebelum ini saya kurang jelas dengan program ditawarkan tetapi dengan pengaturan karnival tersebut membudong saya untuk lebih bersemangat belajar dan mencatat keputusan terbaik pada peperiksaan STPM tahun ini," jelasnya.

Seorang pengunjung, Siti Fatimah Az Zahrah Mohd Nahruddin, 17, berkata, dia berterima kasih kepada pihak Sekolah Menengah Teknik Kuantan yang menganjurkan rombongan ke karnival itu.

"Memang rugi kalau tidak datang ke karnival



LEE CHIEN XIANG



SITI FATIMAH AZ ZAHRAH



P. PETRAJOO

ini kerana maklumat dan panduan diberikan adalah jelas terutama sering berlaku kesilapan dalam memilih program pengajian serta mengisi borang kemaskulan ke IPT yang dilakukan oleh pelajar," tambahnya.

Seorang bapa, P. Pethrajoo, 52, berkata, kunjungannya ke karnival itu untuk memberi sokongan dan dorongan kepada anaknya

mencapai impian bergelar seorang mahasiswa.

"Kedatangan kami banyak memberi pendaharan terutama kepada anak saya yang baru sahaja menamatkan pelajaran di peringkat STPM pada tahun lepas."

"Maklumat ini sangat berguna dalam menuju hala tuju dan masa depannya," katanya.